

دین غیر اختیاری بر فلسفه؟ فلسفه اختیاری بر دین

فلسفه و دین

معارضه حرمت، لاقیداره حرمت

فلسفه حاضره

قانت

مندرجات : فلسفه يك شكل اخیری — اون سكرتی عصره
 آلمان فلسفه سی — قانت — قانتك اصولی —
 عقل مجرد حقنده تدقیقات وامكان علم — فكر نه عائد
 ملكه لك تدقیق وتعلیل — علم مافوق الطبیعه ممكنه در ؟ — روح كائنات
 والله حقنده قانتك مطالعاتی — عقل عملی و اخلاق — صنعت .

مافوق الطبیعیات ممكنه در ؟ ..

— بحثندن مابعد —

الله

روح و كائنات مسئله لرندن و بونلرك متقابل مربوطیت لرندن صوكره الله عائد اولان مسائله صیره كایر . نظری اولان روحیاتدن وینه نظری اولان علم كائناتدن صوكره نظری الهیات موجود در كه بوصوك شعبه مافوق الطبیعیاتك اوجنچی قسمتی تشكيل ایدر ، عجیبرز بوصوك قسمه عائد نه بیله بیایرز ونه قدرینه ایناتمی یز ؟

بوزاده قانتك معالعه سنه كوره عقل صاف ایله بیلمه سی لازم اولان شی يك آزدرد . بوكا تعجب ایتمه ملی . الله فکری دیمك بر تكمل معنوی دیمكدر . شو حاله الله ؛ صوك مرتبه كاله واصل اولمش بر فكر اخلاقی در ، وفي الحقیقه اخلاقه كسب عائدیت ایدر . بونی بالاخره ایضاح ایدمكدر .

بومطالعاتك خلاقه اوله رق بعض ایکی مافوق الطبیعیات طرفدارلری الهك موجودیتی اثبات ایچون بعض مادی ومنطقی دلیللر کتریمك ایستلر ، حالبوکه بوقیل دلیللر هیچ بر زمان ایجاب ایدن غایبه واصل اوله ماز ، قانت بو دلیللری تحلیل ایدیور .

موجودیت الهیك ایکی مادی دلیلی وارد در كه اونلرده علت فاعله (Cause efficiente) ایله علت غایه (Cause finale) در . علت غایه طرفدارلری كائناتده کی انتظامی وهرشیتك بر سبب تحتنده و بر فائده یه معطوفاً خلق ایدمش اولدیغنی سوبله درك بوندن بر صانع مكملك

یعنی بر الهی و وجودی استبط ایتمک ایستلر . قانت بونلره جواباً دییورکه؛ بو کائناتک تنظیمنده بر انتظام اولدیغنی وهر شئیک بر فائدهیه معطوفاً خلق اولدیغنی ادعا ایده بیلیمک ایچون بو کائناتی صوک حدینه قدر طایمه من ویا لکنز کره ارضی دکل سائر عوالمی دخی اک کوچوک برشبه من قالمیه جق درجه ده تدقیق و تتبع ایله مه من، ده ا دوغروس یالکنز فن حاضره دکل فن ممکنه دخی واقف اولم من ایجاب ایدر . حالوکه بز کائناتک آنجیق کوچوک بر کوشه سنی طانییه بیلورز . اصل ده اعظم اولان قسم متبایمی بزجه مجهولدر . بناءً علیه اولاکافه اشیا یی تدقیق ممکن اوله مدیفندن مبین بر علت غائییه بولمق ممکن دکادرکه اوکا استناداً بر الله فرض و تحیل ایدیلسین . خصوصیه طانییه بیلدیکمز اشیا ده دخی بویه بر علت غائییه اثری موجود و مرئی دکادر .

شمدی علت فاعلهیه کلمه ؛ ینه اسکی مافوق الطبیعیات طرفدارلری: «هر شئیک» بر صانی بولمق لازمدر ، بو کائناتک ده بر خالق بولمق ضروریدر» درلر . قانت دییورکه ؛ بو دوغرو اوله بیلیر . فقط بویه بر خالقک مکمل اولسنی ایجاب ایده جک بر سبب یوقدر . بویه بر خالق مادی ده اوله بیلیر ؛ کنسی کنسینی غیر مدرک و تصادفی ده اوله بیلیر . بناءً علیه بومادی برهان ده شایان قبول بر شی دکادر .

بوندن سوکره منطقی دلیلار کلیر . بو منطقی دلیلاردن اک مهمی ضرورت وجود و مکملیت آراسنده کی عینیت در [۱] . بو فکره سهنت آنسئم ، ده قارت ، لایینسیج مشترکاً قانع درلر . بونلرک فکرنجه مکملیت ایله موجودیت آراسنده اساسله نتیجه ، مثک ایله زاویه آراسنده کی فرق واردر .

قانت دییورکه : فی الحقیقه زرده بر مثک وارسه اوراده زاویه واردر ، فقط بزم بوراده آرادیمز شی اصل مثک موجود اولوب اولدیغنی در . کرچه مکملیت موجود اولنجه شبهه سز موجودیت ده برابر اوله جقدر . فقط اصل موجودیتک اثباتی نصل وله جقدر ؛ شوراسنی ده اونومه میدرکه بزم تفکریمز خارجنده بر موجودیت وارمیدر ؛ اولدیغنی حالده ذهنم زده کی بر

[۱] موجودیت مکملیتک ایلمک شرطیدر . بناءً علیه برشی مکمل اولق ایچون اولا موجود اولی . بو جهت قبول ایدیلدکن سوکرا بعض معترضلرک : «بز مکملیت ادراک ایدیورز، فقط بوادرا کز منی در، بئی مکملیتک موجود اولدیغنی ادراک ایدیورز .» دیه لری آراسنده بر فرق یوقدر . بویه بر تفکر ایسه تضاد و تناقضی حاوی اولدیفندن هیچ بر زمان قبول ایدیله من . ناموجود بر مکملیت ، ما مکمل بر مکملیت دیکدرکه مکملیت دیمک دکادر .

ده قارته عائد اولان بو دلیل و قنبله سنت آنسئم طرفندن دخی در میان ایدیلشیدی . حالوکه سنت آنسئم سببیت اساسی اوزرینه استناد ایتدیکی حالده ، ده قارت تضاد اساسی اوزرینه استناد ایدیور . بو مطالعات هر صورته قابل اعتراضدر . اکر مکملیت فکریله موجودیت فکری ذهنمک ایچنده یکدیگرندن آیریله ماز بر حالده بولیه رلرسه بوندن حقیقه ده دخی بو صورته بواندقلرینه حکم اتمک جائز اولورمی ؟

موجوددن خارجده کی بر ماده‌یه نصل کچه بیلیورز؟ خصوصیه بو ماده ذهنک، وتفکرک فوقنده اولنجه تصورات منطقیه ایله ذهنک کندی فوقنده و کندی ساحه فعالیتی خارجنده بولنان بر شیده آتلاماسی غیر طبیعی اولمازی؟

حاصلی کرک مادی و کرک منطقی دلیلار قانته نظراً بر ماعت قطمیه‌نی حائر دکلدلر . وهیچ بر شی اثبات ایده‌مزلر. اللهم مکملیتی فکری ده فنی بر فکر دکلدر، عملی بر اعتقاد نتیجه‌سیدر. حتی بزه قالیرسه الله فکری اساساً بر فرضیه‌در . بو فرضیه انسانلرک کندی نفسی دوشونم‌لرلندن ایلری کلشدر . ابدیاً یا شامق فکری انسانه تولومی موقت عد ایتمک و بر مدت صوکرده بر یلرک ینه حیاته دوام ایلمک فکری ویرمش و بو تولوم بشرک عجزنی میدان قویدینی ایچون فکر بوکی عجزلردن معرا دها یوکسک بر مکملیت تصویرینه مجبور اولمشدر؛ ایشه بو تصور الله‌در .

بو قدر ایجه‌سی دوشونمه‌مین قنات اخلاق اوزرینه مؤسس بر الله ائیس ایلمک ایسته‌مش واسکیلرک مادی و یا خود مافوق الطایفه الله‌لری یرینه بو اخلاق الهی اقامه ایشدر . شمدی قانتک تفکراتی تعقیبه دوام ایلیئم :

قانت اخلاقی تأسیس ایدرکن بر خیر اساسی وضع ایلش ایدی؛ بو اساس انسانک موجودیتنده خیری شردن آیران بر قوت یعنی فعل ایله سعادت آراسنده کی رابطه‌نک معینیتی ایدی . « انسانده بروجدان و وظیفه حی و واردر ، یعنی داخل اوله بر قانونه مالک‌کرکه بو قانون نه اولانی، نه ده اوله جنی، نظر دفته آماز ، اولسی و یا یلمسی لازم کلینی بزه اخطار ایدر . »

قانت

شوالده بزه بر آهنگک وجودی ممکندر . قوت اولان یرده وظیفه‌ده واردر . ایشه بوسوزلردن قانت خیر اساسنک ممکنیتی استنتاج ایله‌شدر، بو اساس دن دیگر بر اساس چیقور: حیات حاضره ایلمک اساسک تمامیه انکشافه مساعد دکلدر ، هیچ بر شی بزم ارزولریمزی تأمین ایده‌میور و بودنیان تکمیل امللریمزی اجرا ایده‌مدن کیدیورز ، بناء علیه بو حیاتک بر تمادیمی واردر؛ بویسه ابدیت فکری‌در . ابدیت‌دن ده یکی بر نتیجه چیقور . ابدی اولمقلده خیر اساسنک تمامیه تأمین ایدلسی ممکن اوله‌میور، چونکه خیر برخاصه معنویه‌در، بزور حرکتز ایسه قوانین ماده‌یه تابعز ، ابدیتک ایچنده اوله علوی بر نقطه‌یه تصادف ایتلی‌زکه اونقطه ماده ایله معنائک بر تلافیکاهی و اساس خیرک حد ممکن اوسون . ایشه قانتک اوچنجی نظریه‌سی‌ده بودر .

قانت بوتون بونلردن، بومبهم وخیالی دوشونوشلردن دنیاده کی حرکاتک، حرکات انسانیه تک تلافیسنی تأمین ایدیجی بر قوت چیقارمق ایسته یور . اویله بر قوت بولمق ایسته یورکه او قوت خیره مخالف حرکت ایدنلری جزالندیرسین، دها طوغریسی انسانلری مطلقا خیر ایشله مکه اجبار ایتسین، ایسته بو قوت نظرلنده اللهدر، دها طوغروسی الله بر فکر اخلاقدر، مؤید اخلاق بر قوت مخیله، بر تکملدر .

قانتک بومباحثده یکی برشی تأسیس ایتمش اولمق مزیتندن زیاده اسکیلری، اسکی خطالری ییقمش اولمق مزیتی واردر . دکلسه احداث ایتمش اولدینی نظریات جدیدده اسکی یونان نظریاتندن چوق اشاغی واولانجه ادعاسنه رغماً قدن پک چوق اوزاقدر .

— مابعدی وار —



آثار جدیده

اجتهاد — بو هفته، کک علم وفنده، کرکه دینیات واجتماعیاده ریاسز وچیبلاق بر حقیقت آرایان تشنه مدینت دوست وقارلریه رفیقهم وممسلمکم دوقنور عبدالله جودت پک افندی طرفندن نشر ایدیلن اجتهاد رساله، جسورهنی توصیه ایده جکم. اجتهاد بوملاکتنده بلاخوف چالیشان ویکی بردوره نیض ومدینتک مؤده ورودی اعلان ایدن کور برسیدر . فلسفه مجموعه مزله نشر وایضاح ایتدیکمز اساسات جدید علمیه تک نایبیقات وعملیاتی اجتهاددهدر. اجتهاد باشقه بربردهده سویلدیکم کی برصدای ایقاضدر، برآذان مدیدر . یالدرلی وتختنده مستقر « هو » لی دکل، ساده فقط حقیق وطنپرورلر، فردک منفعتی عموم ملتک، منفعتندن وعموم ملتک منفعتی تکمیل انسانینک منفعتندن آیریمه برق دوشونلر، وجدانلرینک تکمیل تظاهرات اجتماعیسنی اجتهاد رساله سندده عیناً بولاجقلردن امین اولسونلر، چونکه اجتهاد هرخصوصده حق وحقیقتک، حقیقت مفیده ملک الی صادق برمرآت انعامسیدر .

